

ЎзССР СОҒЛИҚНИ САҚЛАШ МИНИСТРИЛГИ
РЕСПУБЛИКА САНИТАРИЯ МАОРИФИ УЙИ

Р. А. БАҲРОМОВА, А. А. АБДУСАТТОРОВ

ВИРУСЛИ ГЕПАТИТДАН ЭҲТИЁТ БЎЛИНГ

Тошкент
ЎзССР «Медицина»
1988

Афсуски, ҳозирги қунда жигар, меъда ва ичакларнинг ўткир ва сурункали касалликлари тез-тез учраб турибди. Шулардан бири вирусли гепатит хусусан кўп учрайдиган бўлиб қолди.

Вирусли гепатит асосан жигарнинг қаттиқ заарланиши, баъзан баданнинг сарғайиши билан кечадиган, оғир асоратлар қолдирадиган ўткир ва сурункали юқумли касаллик ҳисобланади. Вирусли гепатит жуда қадим замонлардан инсониятга маълум бўлган. Гиппократ, шарқнинг буюк ҳакими ва файласуф олими Абу Али ибн Сино сингари мутафаккирлар вирусли гепатитни таърифлаб берганлар ва даволаганлар.

Ўтган асрлар мобайнида сарғайиш билан кечадиган барча касалликлар гепатит, яъни жигарнинг яллиғланиши деб тушунилган. Ваҳоланки, ҳозирги даврда ҳам юқумли бўлмаган кўпгина касалликлар сариқлик аломати билан кечади.

XVIII асрнинг 80-йилларида буюк рус клиницисти С. П. Боткин вирусли гепатит касалликлари устида кўпгина илмий-тадқиқотлар олиб бориб, бу оғир хасталикнинг юқумли эканини исботлаган. Шу боисдан вирусли гепатит Боткин касаллиги деб юритилган.

Вирусли гепатит қўпинча тез ва оммавий тус олиб, айниқса табиий оғатлар, урушлар, очарчиликлар даврида катта-катта эпидемияларга ва пандемияларга сабаб бўлган. Чунончи замондошларимиз В. М. Жданов ва А. Ф. Блюгер каби академикларнинг таърифлашича, XIX асрда бўлиб ўтган урушлар даврида вирусли гепатит 112 марта, XX асрда эса 400 марта эпидемия тусини олган. Айниқса жаҳон урушлари даврида вирусли гепатит қитъалараро тарқалган (пандемия), гепатит армияни ва тинч аҳолини заарлаган. Вирусли гепатит пандемиясини шартли равишда уч даврга бўлиш мумкин.

1. Биринчи жаҳон уруши ва ундан кейинги давр (1915—1923).
2. Иккинчи жаҳон уруши даври (1937—1945).
3. Иккинчи жаҳон урушидан кейинги даврдан бошлаб, то ҳозирги кунгача.

Юқорида келтирилган тарихий далиллар ва илмий-текширишлар вирусли гепатитнинг жуда қадимдан барча қитъаларда мавжуд бўлганлиги, аҳоли ўртасида тез-тез эпидемия ва пандемия шаклида тарқалиб турганлигини яққол кўрсатади. Бу касаллик асримизнинг 70—80 йилларидан бошлаб ҳозирги кунларда ҳам бутун дунёда тарқалиб турибди.

Вирусли гепатитнинг бундай кенг тарқалишига нималар сабаб бўлади?

Булар асосан қўйидагилардан иборат:

- касалланганларни рўйхатга олишининг тўғри йўлга қўйилмагани;
- аҳоли зич яшайдиган катта-катта шаҳарлар сонининг кўпайиши;
- аҳоли сонининг табиий равишида ошиб бориши;
- шаҳарлараро ва қитъалараро тезюар транспорт воситаларининг кўпайиши;
- инсониятнинг табиий ресурслардан тобора кенг фойдаланиши ва одамларнинг мулоқотда

бўлиши;

- вирусли гепатитга қарши кураш чораларининг мукаммал эмаслиги.

ХХ асрнинг 40-йилларидан ҳозирги кунгача давом этаётган илмий-тадқиқотлар вирусли гепатитнинг тарқалиш қонуниятларини тўла-тўқис ўрганиб чиқиб, унинг қўзгатувчилари камидан уч хил турдаги фильтрланувчи вирус эканлигини исботлади. Бу вируслар кўп жиҳатдан бир-бирига ўхшаш бўлса-да, касалликнинг юқиши йўллари, тарқалиши, яширин даври, аломатлари ва белгилари жиҳатидан тубдан фарқ қиласди. Бу вирусларнинг бактериялардан фарқи шундаки, уларни фақатгина 30—40 минг марта катталаштириб кўрсатадиган замонавий электрон микроскопдагина кўриш мумкин.

Ана шу қонуниятларга асосланган ҳолда Жаҳон соғлиқни сақлаш ташкилоти (ВОЗ) 1974 йилдан бошлаб вирусли гепатитни уч турда: вирусли гепатит А, вирусли гепатит В, вирусли гепатит С деб фарқлашни тавсия этди. Вирусли гепатитнинг барча (А, В, С) турларида клиник белгилар яққол кўзга кўринган, деярли сариқлик билан кечадиган ва хеч қандай аломатларсиз, кўпинча сарғаймасдан кечадиган турлари бўлади. Сарғаймасдан кечадиган тури билан оғриган беморларни ўз вақтида аниқлаш ва уларни соғлом одамлардан ажратиш анча қийин. Бундай bemорлар соғлом одамлар билан мулоқотда бўлиб, ўзлари сезмаган ҳолда касаллик тарқатиб юрадилар.

Умуман вирусли гепатитларга қарши курашиш учун улар ҳақида тўғри ва тўла тасаввурга эга бўлиш мақсадга мувофиқдир.

ВИРУСЛИ ГЕПАТИТ А

Гепатитнинг бу турини қўзгатувчи вируслар энтеровируслар группасига киради, ташки муҳит шароитига анча чидамли. Беморнинг нажасида, заарланган сувда, озиқ-овқат маҳсулотларида, чиқиндиларда ва турли уй-рўзгор буюмларида, ўйинчоқларда икки хафтагача тирик сақланади. Вируслар физик ва химиявий таъсиrotларга анча чидамсиз. Масалан, 100° С да қайнатилганда 5 минутда, 1,1 ваттли ультрабинафша нур таъсирида 1 минутда ўлади. Химиявий моддалардан 3% ли оддий хлорамин, 1—1,5% ли ДТСГК препарати, 3% ли лизол ва бошқа дезинфекцияловчи моддаларнинг эритмалари вирусларни 30 минутда ўлдиради.

Касаллик манбаси фақат bemор одам ҳисобланади. Касалликнинг яширин даври охирида ва унинг белгилариюзага чиқишидан олдинги (продромал) даврда вируслар bemорнинг нажаси билан кўплаб ажралади. Ана шу даврда bemор атрофидаги соғлом одамлар учун жуда хавфли ҳисобланади. Кўпинча касалликнинг клиник аломатлари юзага чиқиб, бадан сарғая бошлагач, вируслар атроф-муҳитга жуда кам ажралади ёки умуман ажралмай қолади.

Демак, касаллик ривожланиб, bemор сарғайгач, вируслар ўз кора ишини қилиб бўлган, яъни жигар заарланган бўлади. Бу даврга келиб bemорлар энди ўзларини бирмунча енгил ҳис қиладилар ва атрофдагиларга касаллик юқтиришда унча хавфли бўлмайдилар. Касалликнинг биринчи белгилари юзага чиқмасдан 2—10 кун олдин вируслар бе-mор қонида айланиб юради ва клиник аломатлар пайдо бўлгандан 1—2 кун ўтгач, қондан ҳам йўқолади.

Юқиши механизми ва йўллари. Вирусли гепатит А ни қўзгатувчи вируслар организмга ифлос кўл ва ташки муҳит воситасида фақат оғиз орқали юқади. Шунинг учун бу баъзан ифлос кўл касаллиги, деб ҳам юритилади. Bemор шахсий ва умумий гигиена қоидаларига қатъий амал қилмаганда нажаси ва сийдиги билан атроф-муҳитни, озиқ-овқат маҳсулотларини, уй-рўзгор буюмларини ифлослантиради. Ана шундай ифлосланган ташки муҳитдан одамлар ўзлари билмаган ҳолда касалликни юқтириб оладилар. Айниқса дарё, пляж, бассейн, ҳовуз, кудуклар, водопровод иншоотлари, умумий овқатланиш корхоналари, ошхоналар, болалар муассасалари

(боғча, ясли, мактаб) бемор ахлати ва сийдиги билан ифлосланганда гепатит тез ва ёппасига тарқалиб, эпидемия тусини олади. Вирусларни факат бемор одамлар ташиб юриб, бошқаларга юқтиради.

Касалликнинг ривожланиши. Вируслар соғлом одам организмига оғиз орқали тушгач, меъда шираси таъсирида қисман ҳалок бўлади. Қолган қисми эса меъдадан ингичка ичакларга ўтиб, у ердаги лимфа безлари орқали қонга сўрилади. Вируслар қон оқими билан жигарга бориб жойлашиб олади-да, унинг хужайраларини заарлаб, емира бошлайди, хужайраларда қўпайиб, тўпланади. Ана шу 1—2 кун ичида жигар хужайралари шишиб, емирилган хужайралардан вируслар яна қайтадан қон оқимига ўтади ва бошқа орган ҳамда тўқима хужайраларига тарқалади. Бу жойлардаги хужайраларни ҳам емириб, қўпая боради. Жигар хужайралари шишиши натижасида ўт йўллари беркилиб қолади. Бу жараён ўз навбатида ўт суюқлигининг димланиб қолишига сабаб бўлади. Жигар шишиб катталашади ва оғрийди. Димланиб қолган ўт суюқлиги ўзининг табиий йўлларидан ўн икки бармоқ ичакка чиқа олмагач, қонга сўрилади. Қон оқими орқали эса бутун орган ва тўқималарга тарқалиб шимилади ва ниҳоят тери ости ёғ қаватида эрийди. Ана шунда бемор сарғаяди.

Касалликнинг кечиши ва аломатлари. Вирусли гепатит А касаллигининг клиник кечиши шартли равишда тўрт даврга бўлиниб, ўзининг турли-туманлиги, турли хил кечиши, белги ва аломатлари билан характерланади.

Яширин даври. 7 кундан 50 кунгacha, қўпинча 15—30 кун давом этади. Бу даврда касалликнинг ҳеч қандай белги ва аломатлари кузатилмайди. Касалликни юқтирган одам амалда соғлом ҳисобланади ва соғлиғидан шикоят қилмайди. Юқорида келтирилганидек, бу даврда вируслар факат қўпайиб, тўпланади.

Сариқлик олди даври бир ҳафта (5—7 кун) давом этади. Бу даврда касалликнинг енгил-елпи, унча қўзга ташланмайдиган белгилари юзага кела бошлайди. Бу даврни аниқлаш анча қийин, шу туфайли касал киши одамлар орасида бемалол мулоқотда бўлиб юраверади. Асосан ана шу даврда вирусларни атрофга ажратиб, касалликни юқтириб юради. Бемор ўзини лоҳас сезиб, ёмон ҳис қила бошлайди, ҳоли қурийди, иштаҳаси бузилади, овқатни кўрганда кўнгли айнайди, уйқуси нотинч бўлади, сержаҳл, камҳаракат, инжиқ бўлиб қолади. Бундай пайтда беморнинг кўз оқига синчковлик билан қаралса, унинг сал сарғайганини, сийдикнинг ранги ўзгариб, қуюқлашиб қолганини, нажас рангизланганини кўриш мумкин. Ана шу тариқа касаллик ривожлана боради.

Сариқлик олди даври турлича бошланиши ва кечиши мумкин. Шулардан энг кўп учрайдиганлари гриппсимон, диспептик, астеновегетатив ва ревматизмсимон ёки сохта ревматик сариқлик олди даврларидир. Бундай турларда белгилар умумий ва алоҳида-алоҳида бўлиши мумкин.

Гепатит гриппсимон бошланганда умумий аломатлар билан бирга тана ҳарорати 38°C ва ундан юқори кўтарилиб кетади, юқори нафас йўллари яллиғланади. Бурун битади, бурундан сув оқади, bemор аксириб, йўталади, томоги оғрийди ва бутун аъзои-бадани титраб-қақшайди.

Диспептик турида меъда-ичак йўли фаолияти бузилади. Беморнинг иштаҳаси пасаяди, кўнгли айнаб, овқатни кўрганда қайт қилгиси келади, ичи кетади ёки қабзият бўлади. Ўнг қовурға остида оғриқ сезилади, баъзан қаттиқ оғриқ безовта қилади. Бемор тилини караш боғлайди, жигар катталашади.

Астено-вегетатив турда bemор ўзини лоҳас сезади, камҳаракат бўлиб қолади. Уйқуси нотинч бўлади, кундузи кўпроқ уйқу босади, кечаси эса уйқусизлик қийнайди. Айниқса, касал бола инжиқ, йиғлоқи, бефарқ бўлиб қолади. Айрим ота-оналар бу аломатларни эркалилкка йўйиб, касал болани врачга кўрсатиш ўрнига уни ҳатто жазолайдилар ҳам. Натижада касаллик

оғир кечади ва узоққа чўзилади, турли асоратлар пайдо бўлади.

Ревматизмсимон турда бошқа умумий клиник белгилар билан бирга катта бўғимлар ва мускуллар қақшаб оғрийди, ревматизмга хос белгилар намоён бўладики, бу ревматизмнинг қайталаниши деган нотўғри хulosага олиб келади. Сариқлик олди даври қандай кечмасин, ана шу давр охирида сийдик ранги ўзгариб, куюқлашади, нажас рангсизланади. Кўз оқи ва шиллик қаватлар сарғаяди. Жигар шишиб, катталашади, қонда биохимиявий ўзгаришлар кузатилади, бошқа белги ва аломатлар яққол кўзга ташлана бошлайди. Бу сариқлик даври аломатларидир.

Сариқлик даври ўрта ҳисобда 7—15 кун, яъни 1—2 ҳафтагача давом этиши мумкин. Энг аввал кўз оқи, юмшоқ танглай, сўнгра бошқа аъзоларнинг шиллик қаватлари, юз териси, гавда, кўл ва оёқ териси сарғаяди. Сариқлик тез кўпайиб, бир ҳафта ичидан бутун тери ва шиллик қаватлар сарғайиб кетади. Сариқлик даврида жигар шишиб, катталашади. Жигар пайпаслаб кўрилганда катталашган бўлади, юзаси кўлга силлиқ ва қаттиқ уннайди. Ўнг қовурға остидаги оғриқ анча кучайган бўлади. Сариқлик ўзининг энг юкори чўққисига чиққан бўлишига қарамай, беморнинг қўнгли айнаши, қайт қилиши каби дастлабки аломатлар сусайиб, йўқола боради.

Вирусли гепатит А касаллиги енгил, ўртача оғирлиқда ва оғир кечиши мумкин. Бунда камдан-кам ҳолларда касаллик қайталаниши, сурункали турга ўтиши мумкин.

Агар бемор ўз вақтида врачга мурожаат қилмаса, тўғри даволанмаса, режим ва парҳезга риоя қилмаса, ичкилик исча, аччиқ ва шўр маҳсулотларни еяверса, жигар циррози пайдо бўлиши мумкин.

Юқорида айтганимиздек, касалликнинг сарғаймасдан кечадиган тури ҳам бўлади. Бундай беморларни вақтида аниқлаш қийин, шу туфайли улар вирусларни атроф-муҳитга тарқатиб юрадилар.

Бемор врачга мурожаат қилиши лозим. Шунда у тез ка-салхонага ётқизилади ва ҳар бир bemorга ўз хусусиятларини ҳисобга олган ҳолда дарҳол даво қилина бошлайди. Вирусли гепатитларнинг барча турларида bemorларга кўр-па-тўшак режими ва парҳезга қатъий риоя қилиш буюри-лади.

Соғайиш даври ўрта ҳисобда 2—4 ҳафта давом этади, касалликнинг барча клиник белгилари аста-секин йўқола боради ва bemorлар ўзларини яхши ҳис қила бошлайдилар. Кейинги ҳафталарда сариқлик деярли йўқолади, жигар нормал ҳолатга келади, оғриги қолади. Bemorлар касалхонадан умумий ахволи яхшиланиб, сариқлик йўқолганда, жигар нормал ҳолатга келганда ва қонда биохимиявий кўрсаткичлар нормаллашганда чиқарилади.

Вирусли гепатит А билан оғриб, касалхонадан чиққан bemor деярли 1—1,5 ойда соғайиб кетади. Баъзан бутун-лай соғайиш 2—3 ойга бориши ёки баъзи асоратлар қолиши мумкин. Бундай пайтда асоратлар сабабини аниқлаш мақсадида bemorлар албатта ўз даволовчи врачларига мурожаат қилишлари керак.

Беморларни касалхонадан чиқариш олдидан даволовчи врач керакли режим ва парҳез тўғрисида маслаҳат беради. Ана шуларга қатъий риоя қилгандагина бу касалликдаж тўла фориғ бўлиб кетиш мумкин.

Диспансер назорати. Вирусли гепатитларнинг қайси тури билан оғриб ўтганликдан қатъи назар, болалар ва катта ёшдаги одамлар ҳаммаси касалхонадан чиққач, маълум» муддат мобайнида диспансер назоратида туришлари керак. Бундан асосий мақсад касалликнинг қайталаниши, сурункали турга ўтиши, жигарда, ўт пуфагида, ўт йўлларида бўлиши мумкин бўлган турли асоратларнинг олдини олиш ва тўла-тўкис даволашдир.

Вирусли гепатитинпг А турида катта ёшли одамлар касалхонадан чиққач, бир ойдан сўнг ўзлари даволанган касалхонага бориб, даволаган врачга мурожаат қилиб, биринчи диспансер текширувидан ўтишлари лозим. Агар бундай одамлар яхши соғаяётган, барча клиник ва биохимиявий кўрсаткичлар нормал бўлса, диспансер назоратидан чиқарилади. Агар улар

соғлиқларидан шикоят қилиб, аҳволлари яхши эмаслигини айтсалар, яна уч ой давомида ўзлари яшаб турган жойдаги поликлиника, амбулаториянинг юқумли касалликлар кабинетида диспансер назоратида бўладилар. Диспансер кузатуви олиб бораётган врач беморнинг аҳволи ва шикоятларига қараб турли клиник, биохимиявий лаборатория текширишлари ўтказиши ёки ўтказмаслиги мумкин.

Вирусли гепатит А билан оғриб ўтган бола касалхонадан чиққач, бир ойдан сўнг ўзи ётиб чиққан касалхонада даволаган врачига бориб, биринчи диспансер текширувидан ўтади. Бундай бола яхши соғайиб бораётган, барча клиник ва биохимиявий кўрсаткичлар нормада бўлса, 3 ва 6 ойдан кейин ўзи яшаб турган жойдаги поликлиника ёкв амбулатория педиатрига бориб, иккинчи ва учинчи диспансер назоратидан ўтади. Агар бола организмида бирор ўзгариш бўлиб, клиник ва биохимиявий кўрсаткичлар нормада бўлмаса, у ўзи даволанган касалхонага қайтадан ётқизилиб, тўла-тўқис соғайгунча даволанади.

Кези келганда шуни таъкидлаб ўтиш керакки, болалар касалхонадан чиққач, баъзи отоналар уларни диспансерга олиб бормайдилар. Натижада бола турли асоратларни оёқда ўтказиб, оқибатда бир умрга ишга яроқсиз бўлиб қолади.

Касалликнинг оғир ёки енгил ўтганлигига қараб, барча bemorlar касалхонадан чиққач, 2—4 ҳафта давомида меҳнатга лаёқатсиз ҳисобланади, шу муддат ўтгандан кейин уларга ВКК қарори билан ишга ёки ўқишига бориш учун рухсат берилади. Ё бўлмаса, bemornинг аҳволига қараб касаллик варакаси муддати узайтирилади.

ВКК қарорига кўра вирусли гепатит А билан оғриб ўтганлар 3 ойдан 6 ойгача оғир жисмоний меҳнат қилмасликлари, командировкаларга бормасликлари, оғир спорт машғулотларидан ва даала ишларидан озод қилинишлари шарт. Булардан ташқари, олти ой давомида профилактик эмлаш (кутуришга ва қоқшолга қарши эмлашлар бундан мустасно), бўлар-бўлмасга турли уколларни олиш, планли операциялар қилдириш, кучли дори-дармонлар, алкогольли ичимликлар ичиш қатъиян ман қилинади. Вирусли гепатит билан оғриб ўтган ёш болаларни тўла-тўқис даволаш мақсадида ихтисослаштирилган санаторий типидаги боғча ва яслиларга топшириш керак.

Вирусли гепатит билан касалланиб ўтган одамлар камида 6 ойдан бир йилгача, зарурат бўлганда врач маслаҳати билан бундан ортиқ муддатга парҳез тутишлари зарур. Гепатитдан тузалаётган одамлар витаминларга, микроэлементларга, оқсилиларга, углеводларга бой хилманил овқатлардан оз-оздан кунига 3—4 маҳал ейишлари лозим. Овқатлар илиқ, озода, янги тайёрланган (айниқса ёзинг иссиқ кунларида) бўлиши лозим.

ВИРУСЛИ ГЕПАТИТ В

Вирусли гепатит В bemор ўз вақтида яхши даволанмаганда жигарнинг ва бутун органларнинг чуқур жароҳатланиши ҳамда оғир асоратлар қолиши билан кечади. Вирусли гепатитлар орасида кўпинча сурункали турга айланиб, оғир асоратлар қолдиради. Салмоғи жиҳатидан эса вирусли гепатит А дан сўнг иккинчи ўринда туради.

Гепатит Вни қўзғатувчи вируслар қуритиш ва музлатишга, физик ва химиявий таъсиrotларга ўта чидамли бўлади. 120°C да 0,5—1 атмосфера босими таъсирида 45 минутда, 180°C да қуруқ буғ таъсирида 60 минутда, 100°C да қайнатилганда 30 минутда ўлади. Қуритилган ёки музлатилган ҳолатда бир неча ойлар, ҳатто ўн йиллаб тирик сақланади. Бемор одам қонида ва барча чиқиндиларида узоқ йилларгача ўлмайди.

Ўткир ва сурункали турда касалланган bemorlar ва вирус ташиб юрувчи одамлар касаллик манбаи ҳисобланадилар, Вирусли гепатит В вирусини ташиб юрувчилар донор сифатида бошқа одамлар учун айниқса хавфли ҳисобланадилар. Беморлар эса касалликнинг яширин давридан тортиб, соғайгунча, баъзан соғайгандан сўнг ҳам вирус ташиб юрадилар. Хуллас, бу касалликда

беморлар касалликнинг барча даврларида, ҳатто соғайгандан кейин ҳам касаллик манбаи бўлиб қолаверадилар.

Юқиш йўллари. Касаллик қўзғатувчи вируслар организмга кўпинча яхши стерилланмаган шприцлар ва бошқа медицина асбоб-ускуналаридан, турли медицина муолажалари қилганда, вирус ташиб юрувчи донор қонини қабул қилганда, мўйчинак, қайчи, устара, пакки ва косметика ашёларини стерилламасдан ишлатганда юқади. Бундан ташқари, касаллик bemorning ахлати, сийдиги ва турли чиқинчилари билан ифлосланган уй-рўзғор буюмлари, ифлос қўллар орқали юқиши ҳам мумкин. Касалликнинг тарқалишида айниқса баъзи сартарошлар ва медицина ҳамширалари муҳим роль ўйнайдилар. Чунки бундай сартарош ва ҳамширалар асбоб-ускуналарни, шприцларни яхши стерилламай, соч-соқол тарошлайдилар, турли уколлар қиласидилар.

Касалликнинг ривожланиши. Вируслар организмга тери ва шиллиқ қаватлар, оғиз бўшлиғи орқали тушгач, қон оқими билан жигарга жойлашиб олади. Жигар хужайраларида кўпайиб тўпланади ва жигар хужайраларини емиради. Емирилган хужайралардан яна қон оқими билан бутун орган ва аъзо тўқималарига тарқалиб, чукур жароҳатлайди. Касаллик ривожланишининг қолган жараёни худди вирусли гепатит А дагидек кечади. Бу касалликда ҳам яширин даврдан бошлаб, сариқлик олди даври, сарғайиш даври, клиник кечиш ва соғайиш даврлари фарқланади.

Кечиши ва аломатлари. Вирусли гепатит В асосан аста-секин ривожланиши, оғир клиник кечиши ҳамда кўпроқ сурункали гепатит, жигар циррози каби оғир асоратлар қолдириши билан характерлидир. Вирусли гепатит В турли даврларининг узоққа чўзилиши ва жигар чукур жароҳатланиши билан бошқа вирусли гепатитлардан тубдан фарқ қиласиди. *Яширин даври* олти ҳафтадан олти ойгача, кўпинча 60 кундан 120 кунгacha чўзилади.

Касаллик аста-секин бошланади. *Сариқлик олди даврининг оғир турида ҳарорат юқори даражага кўтарилади*, астено-вегетатив ва диспептик аломатлар гепатит А га нисбатан кўпроқ учрайди. Беморнинг иштаҳаси пасайиб, овқатни кўрганда кўнгли айнайди, қайт қиласиди, қабзият бўлади, сўнгра ичи кетади. Унг қовурға остида оғирлик сезилади ва бу ерда оғриқ кучаяди. Баъзан кечалари катта бўғимлар қаттиқ оғрийди, тери қичишади, баъзан эса эшакеми тошиши мумкин. Жигар пайпаслаб кўрилганда сезиларли даражада катталашгани ва қаттиқлашгани аниқланади.

Сариқлик даври бир кундан, бир неча ҳафтагача чўзилади.

Сариқлик даврида барча клиник белги ва аломатлар узоқ вақт ривожланиб, сариқлик 2—3 ҳафта ичida ўзининг эпг юқори чўққисига эришади. Бу даврда bemorning тинкаси қурийди, дармонсизланади ва юқорида айтилган барча белгилар зўрая боради. Баъзан тана ҳарорати юқори бўлиб, бўғимлардаги оғриқ сакланиб қолади.

Соғайиш даври ҳам анча узоққа чўзилади, аломатлар аста-секин йўқола боради, жигарда биохимиявий жараёнлар тиклана бошлайди.

Агар bemor врачга тез мурожаат қиласа, режим ва парҳезга эътибор бермаса, алкоголли ичимликлар, турли аччиқ ва шўр, қовурилган, консерваланган ўткир овқатларни еса, жигар комаси вужудга келиб, жигар ириб кетади ёки касаллик сурункали турга айланади. Bemorga касалликнинг оғир-енгиллигига қараб алоҳида даволаш воситалари белгиланади. Bemor албатта шифохонага ётқизиб даволанади.

Гепатит В билан оғриб ўтганлар 12 ой давомида поликлиника ёки амбулатория қошидаги юқумли касалликлар кабинетида диспансер назоратида туришлари керак. Bemor касалхонадан чиққандан кейин бир ой ўтгач, ўша касалхонага бориб, даволанган врачга ўзини кўрсатиб, тек-

ширтириши шарт. Қейин бир йилгача ҳар уч ойда врач назоратидан ўтиб туриши керак.

Гепатит В билан оғриб ўтган одамлар касалхонадан чиққач, 4—5 ҳафтадан кейин ишга ва ўқишга боришлири мумкин. Бундай одамлар 6 ойдан 12 ойгача, керак бўлганда ундан ҳам ортиқ муддатга оғир жисмоний меҳнатдан, спорт машғулотларидан ва қишлоқ хўжалик ишларидан озод этиладилар.

Юқорида айтганимиздек, олти ой давомида профилактик эмлаш (қутуришга ва қоқшолга қарши эмлаш бундан мустасно), планли операциялар қилдириш ман этилади. Гепатит В билан оғриб ўтган аёлларга бир йил давомида ҳомиладор бўлиш тавсия этилмайди.

ВИРУСЛИ ГЕПАТИТ С

Бу касаллик ҳам клиник ва эпидемиологик жиҳатдан гепатит А ва В га ўхшаш кечади. Гепатит С қўзғатувчилари тўғрисида амалий медицина ҳали тўла тасаввурга эга эмас. Шунга қарамасдан, гепатит С устида олиб борилган илмий тадқиқотлар бу асосан қон воситасида, беморларнинг нажаси, сийдиги ва бошқа турли чиқиндилари билан ифлосланган сув, озиқовқатлар ҳамда уй-рўзгор ашёлари воситасида юқиши исботланган,

Гепатит С кўпроқ ўрта ёшдаги (19—29), ишга лаёқатли одамларни заарлайди. Касаллик ёз ва куз ойларида қўп тарқалади. Ўғил болаларни суннат (хатна) қилганда, қиз болалар, қулоғини тешганда, баданнинг турли қисмларига игна ва туш бўёғи билан ҳар хил расмлар ва ёзувлар солганда, сартарошхонада соч тарошлаганди, соқол-мўйлов олдирганда, қош терганда, қўл ва оёқ тирноқларини пардозлаганди асбоблар яхши стерилланмаган бўлса, вирусли гепатит В ва С осонгина юқиб қолади. Демак, гепатит С ҳам кўпроқ тери ва шиллиқ қаватларнинг бузилиши билан кечадиган барча жараёнларда юқади.

Кези келганда шуни айтиш керакки, вирусли гепатит билан оғриган баъзи bemorlar ўргасида бит ютиш, совук сувда чўмилиш, билак ва бўйинга қаҳрабо доналарини тақиб юриш, сувдаги тирик балиқларга тикилиб ўтириш, тил тагини тилдириш, қоқтириш каби урф-одатлар мавжудки, булар илмий ва амалий жиҳатдан асосланмагандир. Бу одатлар bemorni тузатиш ўрнига аҳволини оғирлаштириб, турли асоратларга сабаб бўлади.

ПАРХЕЗ

Бемор ейдиган овқатлар хилма-хил, витаминаларга, микроэлементларга, оқсилларга ва углеводларга бой ҳамда осон сингадиган бўлиши шарт. Вирусли гепатит билан оғриганларга суюқлиқ ичиш режими белгиланади. Беморлар иложи борича кўпроқ суюқлиқ ичишлари керак, зоро суюқлиқ моддалар алмашинуви чиқиндилари ва касаллик натижасида келиб чиқсан заҳарли моддаларни организмдан юваб чиқаради. Глюкозанинг 5% ли, ош тузининг 0,8% ли физиологик эритмалари, ширин чой, асал чой, наъматак ва сули дамламаси, врач тавсия этган турли минерал сувлар оз-оздан тез-тез ичиб турилади. Узум, ўрик, олма каби кўпгина мева ва сабзавотлар шарбати айниқса фойдали.

Врач дори-дармонларни организмдаги интоксикация даражасига, касалликнинг енгил ёки оғирлигига, bemorniнг ёши ва бошқа хусусиятларига қараб алоҳида белгилайди. Вирусли гепатит билан оғриганларга кўп дори буюрилавермайди, чунки буларсиз ҳам жигар чуқур жароҳатланган бўлади. Демак, вирусли гепатитда жигарни турли дорилар, заҳарловчи моддалар таъсиридан асрash асосий даволовчи воситадир.

Беморга қорамол, бузоқ, товуқ ва қуён гўштларидан қайнатма шўрва, яхна, дўлма тайёрлаб бериш мумкин. Сут ва сут-қатиқ маҳсулотларининг барча турлари (қайнатилган ёки пастеризация қилинган сут), катиқ, кефир, сузма, творог, сметана (ахён-ахёнда қаймоқ) ни истеъмол қилиш, мева ва сабзавотлардан кўпроқ табиий ҳолда ейиш айни муддаодир. Болалар

кунига 30—40 г, катта ёшли одамлар эса 50—70 г сариёғ, ҳафтада 1—2 марта тухум сариғи ейишлари мумкин.

Консервланган, маринадланган, дудланган, қовурилган, аччиқ ва шўр озиқ-овқат маҳсулотларининг барча турлари, қўй, ўрдак, ғоз, чўчқа гўштлари, кондитер маҳсулотларидан шоколад, конфетларнинг барча турлари, какао, кофе, пирожний, торт, музқаймоқ истемол қилиш ман қилинади. Айниқса хантал, гармдори, саримсоқ, зарчава, сирка каби зираворларни овқатга ишлатиш, спиртли ичимликларнинг барча турлари, ҳатто пиво ичиш асло мумкин эмас.

Вирусли гепатит билан оғриб ўтган одамлар, айниқса касалхонадан чиққач, ёзинг иссиқ кунларида офтоб уришидан, иссиқлаб кетишдан, намгарчилик пайтида ёмғир ва қорда қолиб, совқотишдан эҳтиёт бўлишлари лозим.

Касалхонадан чиққандан кейин беморнинг умумий аҳволи яхши, лаборатория кўрсаткичлари нормал бўлса, олти ойдан сўнг Трускавецк, Боржоми, Ессентуки, Пятигорск ва Железноводск каби санаторий-курортларга бориши мумкин.

Вирусли гепатитларнинг олдини олиш чоралари. Ҳар қандай юқумли касалликларга қарши курашишда медицина ходимлари билан бирга кенг жамоатчилик онгли равиша қатнашса мақсадга мувофиқ бўлади. Зеро, ҳар бир инсоннинг соғлиғи ўз қўлидадир. Вирусли гепатитларга қарши курашиш умумсанитария ва медицина чораларидан иборат. Ҳар бир одам, кенг жамоатчилик касаллик бор ёки йўқлигидан қатъи назар, ўзи яшайдиган турар жойларни (хоналарни, ошхонани, ҳовлини), уй-рўзгор буюмларини, айниқса сув ҳавзаларини, водопровод иншоотларини, болалар боғча-яслиларини, мактабларни, умумий овқатланиш муассасаларини, жамоат йиғиладиган жойларни тоза тутиши, жуда ҳам озода сақлаши керак. Ана шунда вирусли гепатит билан бир қаторда бошқа юқумли ичак касалликларнинг камайишига ва ниҳоят бора-бора йўқ бўлиб кетишига имкон туғилади.

Вирусли гепатитнинг дастлабки белгилари аниқланиши биланоқ бемор дарҳол атрофдаги одамлардан, айниқса ёш болалардан, ҳомиладор аёллардан алоҳидалаб қўйилади ва юқумли касалликлар шифохонасига юборилади. Касаллик қанчалик тез аниқланиб, бемор касалхонага қанчалик эрта ётқизилса, у шунчалик енгил, асоратсиз кечади. Бемор билан мулоқотда бўлган соғлом одамлар ўртасида, касаллик чиққан уйда ва болалар муассасасида — боғча ва яслиларда, мактабларда 35 кун давомида медицина кузатуви олиб борилади ва карантин эълон қилинади.

Медицина кузатуви олиб бораётгай участка врачи, педиатри ва эпидемиологнинг кўрсатмасига мувофиқ (лозим топилганда), бемор билан мулоқотда бўлган ҳар бир одамнинг қўл бармоғидан оз микдорда қон олиб, лабораторияда текширилади. Карантин даврида болаларни бир группадан иккинчи группага, бир синфдан иккинчи синфга ва бошқа болалар муассасасига ўтказиш, янгидан бола қабул қилиш, турли уколлар қилиш, тишларни санация қилиш мумкин эмас.

Бемор билан мулоқотда бўлган 1 ёшдан 14 ёшгacha бўлган болаларга гаммаглобулин ёки иммуноглобулин укол қилинади, бу тадбир касалликнинг олдини олишда муҳим роль ўйнайди. Бу муолажа bemor билан мулоқотда бўлган биринчи ҳафтада жуда яхши фойда келтиради. Гепатит В ёки С билан оғриган bemorлар билан мулоқотда бўлганларга гаммаглобулин ёки иммуноглобулин укол қилиш тавсия этилмайди. Касаллик чиққан уйда ва болалар муассасасида, bemor бўлган жойларни, у фойдаланган барча буюмларни, кўрпа-тўшак, идиш-товоқларни дезинфекция қилиш шарт. Дезинфекцияни катта шаҳарларда дезинфекция бўлимлари ва бўлинмалари бажаради. Айрим ҳолларда уй-жой ва яшаш шароитлари жуда яхши бўлган хонадонларда аҳолининг ўзига дезинфекция қилишга рухсат этилади. Бундай шароитда албатта дезинструктор ёки эпидемиолог ёрдамчиси хонадондаги бирор кишига дезинфекция ўтказиш шарт-шароитларини яхшилаб тушунириб беради.

Гепатит В ва С ни юқтирмаслик учун иложи борича худа-бехудага укол қилдиравермаслик лозим. Укол қилдириш шарт бўлиб қолганда қўни-қўшни, таниш-билиш медицина ҳамширалари хизматидан воз кечиш ва фақат поликлиника, амбулатория, касалхона ва бошқа медицина муассасаларида даволанишга ҳаракат қилиш керак. Соч тарошлаш, соқол-мўйловни кириш, қош териш, қўл ва оёқ тирноқларини пардозлашга мўлжалланган асбоб-усукуналарни фақат стериллаб, сўнгра ишлатишни талаб қилиш керак. Уйда ҳар бир одамнинг косметика асблоблари ва гигиена буюмлари алоҳида бўлиши мақсадга мувофиқдир.

Кейинги пайтларда ўсмиirlар, ёшлар, катта ёшлилар орасида ҳам гиёхвандлик учраб турибди, Наркотик моддаларни укол қилиш фақат вирусли гепатитнинг эмас, балки териносил ҳамда қон касалликларининг тарқалишига олиб келмоқда. Наркоманиядек социал иллатга қарши курашиш ҳар бир инсоннинг олий гражданлик бурчидир.

Юқумли ичак касалликлари тарқалишида пашша ва суваракнинг аҳамияти жуда катта. Пашша чиқиндига, хожатхонага, ахлатга қўниб, танаси ва оёқларига турли ифлос нарсаларни илаштириб олади-да, уй-рўзғор буюмларига, усти очик қолган озиқ-овқат маҳсулотларига қўниб, микроб ва вирусларни юқтиради. Натижада бу озиқ-овқатларни истеъмол қилган ва шу буюмларни ишлатган одам юқумли ичак касаллигини юқтиради. Шунинг учун ҳам пашша ва суваракларни йўқотиш керак.

Пашша кўпаймаслиги учун чиқиндиларни маҳсус ажратилган жойга ташлаш лозим. Ахлат ташлайдиган жойларнинг таги бетонланган бўлиши ёки қопқокли контейнер идишлардан фойдаланиш керак. Пашшалар хоналарга учиб кирмаслиги учун ойнага сим тўр ёки дока тутиб қўйиши, ёхуд қоғозни узун-узун қилиб кесиб ёпиштириш мақсадга мувофиқ бўлади. Пашша ва суваракларга қирон келтирувчи заҳарли химикатлардан 5% ли хлорофос, карбофос, шунингдек дихлофос ёки «Прима» каби аэрозоль баллонлар ишлатилса, барча ҳашаротлар қирилади. Суваракка қарши қуйидаги заҳарли химикатлар ишлатилади. Хлорофоснинг 3—4% ли сувдаги эритмаси, флуцид, пиретрум, бундан ташқари, борат кислотага шакар ва тухум қўшиб тайёрланган хўрак сувараклар кўпаядиган тирқишларга сепиб қўйилса, уларга ҳалокатли таъсир кўрсатади.

Бу заҳарли химикатларни жуда эҳтиётлик билан ишлатиш зарур. Чунки бу химикатлар ҳашаротларгагина таъсир қилиб қолмай, балки одамлар ва уй ҳайвонларини ҳам заҳарлаши мумкин.

Хулоса қилиб, яна такрор айтамизки, юқумли ичак касалликларига қарши курашда шахсий ва умумий гигиена қоидаларига, озодаликка қатъий риоя қилиш катта роль ўйнайди. Бунинг учун тураг жойлар, уй-рўзғор буюмларини тоза тутиш, ичимлик сув ва бошқа сув ҳавзаларини ифлос қилмаслик керак.

Юқоридагиларга риоя қилганда юқумли ичак касалликлари, жумладан вирусли гепатит кенг тарқалмайди.